

Član 85.

(Disciplinska odgovornost)

- (1) Državni službenici i namještenici za povredu službene dužnosti odgovaraju disciplinski u skladu sa zakonom.
- (2) Državni službenici odgovaraju za povrede službene dužnosti prema odredbama Zakona o državnoj službi u Kantonu i propisima donesenim na osnovu tog zakona.
- (3) Namještenici odgovaraju za povredu službene dužnosti prema Zakonu o namještenicima u organima državne službe u Federaciji Bosne i Hercegovine i propisima donesenim na osnovu tog zakona.

Član 86.

(Odgovornost za štetu nanесenu u obavljanju službene dužnosti)

Državni službenici i namještenici za štetu nanесenu u obavljanju službene dužnosti odgovaraju u skladu sa zakonom i drugim propisima kojima je regulisana odgovornost državnih službenika i namještenika za nanесenu štetu.

POGLAVLJE IX - JAVNOST RADA

Član 87.

(Javnost rada)

- (1) Javnost rada ostvaruje se podnošenjem izvještaja o radu Vlade Kantona i Skupštini Kantona, davanjem obavještenja putem konferencija za štampu, putem medija, interneta te objavljivanjem određenih podataka na web stranici Ministarstva.
- (2) Obavještenja i podatke o radu Ministarstva sredstvima javnog informisanja daje ministar ili ovlaštena osoba uz prethodno odobrenje ministra.
- (3) Javnost rada Ministarstva ostvaruje se u skladu sa Zakonom o slobodi pristupa informacijama u Federaciji Bosne i Hercegovine, Zakonom o objavljivanju propisa i drugih općih akata u "Službenim novinama Kantona Sarajevo", Uredbom za provođenje Zakona o slobodi pristupa informacijama u Federaciji Bosne i Hercegovine, Uredbom o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton i Vodičem za pristup informacijama Ministarstva.

POGLAVLJE X - PRELAZNE I ZAVRŠNE ODREDBE

Član 88.

(Raspoređivanje državnih službenika i namještenika)

U roku od 15 dana od dana stupanja na snagu ovog pravilnika, ministar će izvršiti raspoređivanje državnih službenika i namještenika na radna mjesta u Ministarstvu u skladu skladu s odredbama ovog pravilnika.

Član 89.

(Ravnopravnost spolova)

Sve imenice koje se odnose na pojedine funkcije ili radna mjesta, upotrebljena u ovom pravilniku, odnose se na oba spola.

Član 90.

(Prestanak važenja dosadašnjeg pravilnika)

Stupanjem na snagu ovog pravilnika prestaje da važi Pravilnik o unutrašnjoj organizaciji Ministarstva za odgoj i obrazovanje Kantona broj 11-30-48972-4/23 od 16.02.2024. godine.

Član 91.

(Stupanje na snagu Pravilnika)

Ovaj pravilnik stupa na snagu danom dobijanja saglasnosti od Vlade Kantona i objavit će se u "Službenim novinama Kantona".

Broj 11-07/01-02-38334-5/25

16. septembra 2025. godine
Sarajevo

Ministrica

Naida Hota-Muminović, s. r.

Na ovaj Pravilnik Vlada Kantona Sarajevo dala je saglasnost na 93. sjednici održanoj 11.9.2025. godine, Odlukom broj 02-04-45210-3/25 od 11.09.2025. godine u skladu sa članom 52. stav (1) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05).

Ministarstvo finansija Kantona Sarajevo

Na osnovu člana 22. stav (1) tačka d) i člana 23. Zakona o zaštiti na radu ("Službene novine Federacije BiH", broj 79/20) i Akta o procjeni rizika na radnim mjestima i mjestima rada u radnoj okolini, broj 028-25-APR/24 od 12.03.2024. godine, ministar finansija Kantona Sarajevo donosi

PRAVILNIK

O ZAŠTITI NA RADU U MINISTARSTVU FINANSIJA
KANTONA SARAJEVO

POGLAVLJE I - OSNOVNE ODREDBE

Član 1.

(Predmet)

Ovim pravilnikom se utvrđuje organizacija provođenja zaštite na radu, pravila prevencije i zaštite na radu, vođenje evidencija, izvještavanje i obavješćavanje o nesrećama i povredama na radu i profesionalnim oboljenjima, te druga pitanja od značaja za sigurnost i zaštitu zdravlja na radu.

Član 2.

(Definisanje pojmova)

Pojmovi koji se koriste u ovom pravilniku imaju isto značenje određeno Zakonom o zaštiti na radu ("Službene novine Federacije BiH", broj 79/20) i podzakonskim propisima donesenim na osnovu tog zakona.

Član 3.

(Rodna neutralnost pojmova)

Pojmovi koji se koriste u ovom pravilniku, a imaju rodno značenje koriste se neutralno i odnose se jednako na muški i ženski rod.

POGLAVLJE II - ORGANIZACIJA PROVOĐENJA
ZAŠTITE NA RADU

Član 4.

(Obavljanje poslova zaštite na radu)

- (1) Ministarstvo finansija Kantona Sarajevo (u daljem tekstu: Ministarstvo) samostalno obavlja poslove zaštite na radu na mjestu rada u ul. M.Tita broj 62, a u skladu sa Zakonom o zaštiti na radu, Pravilnikom o načinu i uvjetima obavljanja poslova zaštite na radu kod poslodavca ("Službene novine Federacije BiH", broj 34/21) i drugim propisima kojima se uređuje oblast zaštite na radu i u skladu sa Aktom o procjeni rizika na radnim mjestima i mjestima rada u radnoj okolini broj 028-25-APR/24 od 12.03.2024. godine (u daljem tekstu: Akt o procjeni rizika).

- (2) Stručna služba za zajedničke poslove Kantona Sarajevo (u daljnjem tekstu: Stručna služba za zajedničke poslove) za potrebe Ministarstva vrši poslove obezbjeđenja zgrade sjedišta Ministarstva, poslove održavanja i zagrijavanja kancelarijskih prostorija, kao i poslove održavanja čistoće i protivpožarne zaštite, shodno Uredbi o osnivanju Stručne službe za zajedničke poslove Kantona Sarajevo ("Službene novine Kantona Sarajevo", broj 31/23).
- (3) Pri obavljanju poslova zaštite na radu Ministarstvo osigurava takve uvjete na radu kojima se u najvećoj mogućoj mjeri sprječava nastanak povreda na radu, profesionalnih oboljenja i oboljenja u vezi sa radom i koji stvaraju pretpostavke za punu fizičku, psihičku i socijalnu sigurnost zaposlenih.

Član 5.

(Procjena rizika)

Ministarstvo je u skladu sa Zakonom o zaštiti na radu, Pravilima o procjeni rizika ("Službene novine Federacije BiH", broj 23/21) i drugim važećim propisima izradilo Akt o procjeni rizika koji sadrži opis procesa rada sa procjenom rizika od povreda ili oštećenja zdravlja na mjestu rada u radnoj okolini i mjere za otklanjanje ili smanjivanje rizika na najmanju moguću mjeru u cilju poboljšanja sigurnosti i zaštite zdravlja na radu.

Član 6.

(Pisana obavijest o rezultatima procjene rizika)

Ministarstvo je dužno osigurati da zaposlena žena za vrijeme trudnoće i dojenja i radnik sa promijenjenom radnom sposobnošću i pored osposobljavanja za siguran i zdrav rad budu u pisanoj formi obaviješteni o rezultatima procjene rizika na radnom mjestu i o mjerama kojima se rizici otklanjaju u cilju povećanja sigurnosti i zaštite zdravlja na radu.

Član 7.

(Poslovi sa povećanim rizikom i poslovi na kojima se provodi mjera skraćivanja radnog vremena)

U Ministarstvu nema poslova sa povećanim rizikom, niti poslova na kojima se provodi mjera skraćivanja radnog vremena.

POGLAVLJE III - PRAVILA PREVENCIJE I ZAŠTITE NA RADU

Član 8.

(Načela u provođenju mjera zaštite na radu)

Prilikom provođenja mjera zaštite na radu Ministarstvo poštuje opća načela prevencije propisana odredbama člana 21. Zakona o zaštiti na radu.

Član 9.

(Zdravstveno stanje i psihofizičke sposobnosti radnika)

- (1) Radnik ne može zasnovati radni odnos ukoliko prethodno nije utvrđeno da njegovo zdravstveno stanje i psihofizičke sposobnosti odgovaraju uvjetima rada i zahtjevima radnog mjesta.
- (2) Zdravstveno stanje i psihofizičke sposobnosti radnika iz stava (1) se utvrđuju na osnovu ljekarskog uvjerenja izdatog od strane odjeljenja za medicinu rada i zdravstvenu zaštitu radnika ovlaštene zdravstvene ustanove.

Član 10.

(Zabrana prouzrokovanja finansijskih obaveza za radnike)

Mjere zaštite koje provodi Ministarstvo i koje se odnose na sigurnost i zaštitu zdravlja na radu ne smiju radnicima prouzrokovati finansijske obaveze.

Član 11.

(Preventivne mjere)

Ministarstvo osigurava sljedeće preventivne mjere radi zaštite života i zdravlja radnika:

- održavanje u ispravnom stanju i vršenje pregleda i ispitivanja sredstava za rad,
- obezbjedjivanje adekvatnih uslova radne okoline,
- osposobljavanje radnika za siguran i zdrav rad,
- upućivanje radnika na sistematske preglede minimalno jednom u četiri godine kod specijaliste medicine rada i
- upućivanje radnika na ciljani pregled ukoliko se ukaže potreba za tim.

Član 12.

(Lična zaštitna oprema)

Aktom o procjeni rizika je utvrđeno da su radna mjesta u Ministarstvu radna mjesta koja ne zahtijevaju korištenje lične zaštitne opreme.

Član 13.

(Obuka i provjera znanja iz oblasti zaštite od požara)

Ministarstvo jednom u dvije godine organizuje obuku i provjeru znanja radnika iz oblasti zaštite od požara u skladu sa odredbama Zakona o zaštiti od požara i vatrogastvu ("Službene novine Federacije BiH", broj 64/09).

Član 14.

(Upotreba protivpožarnih aparata)

- (1) Radnici u toku osposobljavanja za siguran i zdrav rad prolaze posebnu obuku o propisima iz oblasti zaštite od požara, kao i o načinu upotrebe i rukovanju protivpožarnim aparatima i evakuaciji u slučaju požara, kako je to propisano članom 13. ovog pravilnika.
- (2) Stručna služba za zajedničke poslove osigurava da se protivpožarni aparati održavaju u ispravnom stanju.

Član 15.

(Periodični pregledi)

- (1) U Ministarstvu se vrše slijedeći periodični pregledi:
- pregledi i ispitivanja sredstava rada koja se prvi put puštaju u rad, a naredni pregledi i ispitivanja se vrše najmanje jednom u tri godine,
 - pregledi i ispitivanje električnih instalacija najmanje jednom u tri godine,
 - pregledi i ispitivanje gromobranskih instalacija najmanje jednom u dvije godine i
 - pregledi i ispitivanja fizičkih, hemijskih i bioloških štetnosti i mikroklima u radnim i pomoćnim prostorijama u ljetnom i zimskom periodu jednom u tri godine.
- (2) Periodičnim pregledima i ispitivanjima ne podliježu audio i video oprema, oprema za informacijsku tehnologiju i uobičajena kancelarijska oprema.
- (3) Periodični pregledi iz stava (1) ovog člana se vrše putem ovlaštene organizacije koja ima dozvolu Federalnog ministarstva rada i socijalne politike za obavljanje tih poslova.
- (4) Periodični pregledi iz stava (1) ovog člana se vrše u skladu sa Zakonom o zaštiti na radu, Pravilnikom o načinu, postupku i rokovima vršenja periodičnih pregleda i ispitivanja iz oblasti zaštite na radu ("Službene novine Federacije BiH", broj 23/21) i drugim važećim propisima iz oblasti zaštite na radu, kao i propisima o standardizaciji

u Bosni i Hercegovini, tehničkim propisima i uputstvima proizvođača.

Član 16.

(Osposobljavanje radnika)

Ministarstvo će u skladu sa Zakonom o zaštiti na radu osposobiti radnike za siguran i zdrav rad, a poslove osposobljavanja povjerava ovlaštenoj organizaciji iz člana 64. Zakona o zaštiti na radu.

Član 17.

(Savjetovanje i uključivanje radnika)

Ministarstvo se savjetuje sa radnicima i/ili njihovim predstavnicima i omogućava im da učestvuju u raspravama o svim pitanjima u pogledu sigurnosti i zaštite zdravlja na radu, a posebno im omogućava da učestvuju u:

- raspravama i odobravanju svih mjera u pogledu sigurnosti i zaštite zdravlja na radu,
- svakoj mjeri koja može značajno uticati na sigurnosti zaštitu zdravlja na radu,
- imenovanju radnika koji će obavljati poslove vezane za obezbjeđenje zdravih i sigurnih uvjeta rada, prve pomoći, gašenje požara i evakuaciju radnika,
- angažovanju, tamo gdje je potrebno, ovlaštenih organizacija za zaštitu na radu i
- planiranju i organizovanju osposobljavanja radnika u oblasti zaštite na radu.

Član 18.

(Radnici za mjere prve pomoći, protivpožarne zaštite i evakuacije radnika)

- Ministarstvo će radi provođenja odredbi člana 36. stav (1) Zakona o zaštiti na radu imenovati radnike za mjere prve pomoći, protivpožarne zaštite i evakuacije radnika.
- Radnici za mjere prve pomoći, protivpožarne zaštite i evakuacije radnika će povodom pitanja vezanih za provođenje odredbi člana 36. stav (1) Zakona o zaštiti na radu sarađivati sa Stručnom službom za zajedničke poslove u pitanjima koja spadaju u nadležnost te službe.

POGLAVLJE IV - OSTALE ODREDBE

Član 19.

(Obavješćavanje sindikata)

- Ministarstvo najmanje dva puta godišnje obavještava nadležni sindikat o rizicima po sigurnost i zdravlje, te mjerama koje je preduzeo i koje će preduzeti radi unaprijeđivanja sigurnosti i zaštite zdravlja.
- Osim redovnog obavješćavanja iz stava (1) ovog člana Ministarstvo ima obavezu da obavještava i da se savjetuje sa predstavnicima radnika ili radnicima nakon smrtnog, grupne ili teške povrede na radu, utvrđenog slučaja profesionalnog oboljenja, kao i nalaza nadležne inspekcije rada kojim je utvrđen nedostatak u primjeni mjera zaštite na radu.

Član 20.

(Vođenje evidencija)

Ministarstvo vodi evidenciju o:

- provjeri znanja radnika iz oblasti sigurnosti i zaštite zdravlja na radu,
- održanim obukama o propisima iz oblasti zaštite od požara,
- izvršenim pregledima ispitivanja radne sredine i sredstava za rad,

- povredama na radu, profesionalnim oboljenjima, smrtnim slučajevima i njihovim uzrocima i
- ljekarskim pregledima radnika.

Član 21.

(Dostavljanje izvještaja o povredi na radu i profesionalnom oboljenju)

- Ministarstvo će dostaviti izvještaj o povredi na radu koja se dogodi i profesionalnom oboljenju koje nastane na radnom mjestu, radniku koji je pretrpio povredu, odnosno kod kojeg je nastalo oboljenje, nadležnom zavodu zdravstvenog osiguranja kod kojeg je radnik zdravstveno osiguran, kao i nadležnoj inspekciji rada, u roku od sedam dana od dana pretrpljene povrede, odnosno nastanka oboljenja.
- Izvještaj iz stava (1) ovog člana podnosi se na obrascu čiji je sadržaj i način podnošenja propisan Pravilnikom o sadržaju i načinu podnošenja izvještaja o povredi na radu i profesionalnom oboljenju ("Službene novine Federacije BiH", broj 9/23).

Član 22.

(Obaveza obavješćavanja inspekcije rada)

- O svakom smrtnom slučaju, težoj povredi na radu, profesionalnom oboljenju i svakoj pojavi koja bi mogla ugroziti život ili zdravlje radnika na radu Ministarstvo će odmah obavijestiti nadležnu inspekciju rada.
- Za svaku povredu na radu Ministarstvo je dužno na uviđaj pozvati neposrednog rukovodioca povrijeđenog radnika.

Član 23.

(Primjena propisa)

Na sva pitanja koja nisu regulisana odredbama ovog pravilnika, primjenjuju se važeći propisi koji se odnose na zaštitu na radu.

Član 24.

(Izmjene i dopune pravilnika)

Ministarstvo će pristupiti izmjenama i dopunama Akta o procjeni rizika i ovog pravilnika u slučajevima propisanim Zakonom o zaštiti na radu i Pravilima o procjeni rizika.

Član 25.

(Prestanak važenja ranijeg Pravilnika)

Danom stupanja na snagu ovog pravilnika prestaje da važi Pravilnik o zaštiti na radu, broj 08-02-30/53 od 28.10.2013. godine

Član 26.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 08-01-30-44256/25

10. septembra 2025. godine

Sarajevo

Ministar

Dr. Afan Kalamujić, s. r.

OPĆINA CENTAR SARAJEVO

Općinsko vijeće

Na osnovu člana 11. Zakona o vodama ("Službene novine Federacije BiH", broj 70/06), člana 8. stav 3. Zakona o vodama Kantona Sarajevo ("Službene novine Kantona Sarajevo", br. 18/10, 43/16 i 44/22) i čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo, na 9. redovnoj sjednici, održanoj dana 31.07.2025. godine, donijelo je